

Yeshua ta e nòmber Hebreo ku ta nifiká **Salbashon**,
E Señor lo Salba, Prens, Rei, Mesias.

Un otro nòmber den Hebreo pa **Yeshua** ta **Esun Ungi**.

Ora nos tradusí **Esun Ungi** (Hebreo) den Griego nos ta haña e nòmber **Kristu**.

Hesus ta e nòmber ku Romanonan kièr a usa, pasobra nan no tabata kièr a usa e nòmber **Hudiu Yeshua** (Hebreo) pa menshoná **Esun Ungi**, ku tabata i ta un **Hudiu**. Es desir **Kristu** (Griego) ta nifiká **Esun Ungi** (Hebreo).

Den **Lei (Torah)** = (Génesis, Éksodo, Levítiko, Numbernan, Deuteronomio) ta wòrdu papia diferente biaha di **Esun Ungi; Mesias**. Den e **Profetanan** tambe tin diferente biaha menshoná **Esun Ungi** dor di diferente profeta. Profeta **Daniel** a skirbi den **9:25** tokante di **Yeshua; Kristu; Esun Ungi; Mesias** su **sakrifisio pa nos** kon **E lo wòrdu kòrtá kitá afó, i lo no tin nada**. Nan ta **kita bida di un hende konsagrá, sin ku e tabata kulpabel**. Profeta **Isaías** a skirbi den **53:3-12** tokante di **Yeshua; Kristu; Esun Ungi; Mesias** su **sakrifisio pa nos** kon **E lo wòrdu menospresiá, kastigá, humiliá, bandoná, traishoná**, pero **Dios Tata** lo usa **Yeshua; Kristu; Esun Ungi; Mesias** pa realisá **Dios Tata Su plan**, dor ku **Yeshua; Kristu; Esun Ungi; Mesias** konosé e **boluntat**, e **deseonan**, e **mandamentunan** di **Dios tata**.

Meskos tambe ta tin **profesíanan** (**Oseas 6:2, Zakarias 9:9**) tokante **Yeshua** skirbi den **Tèstament Bieu** i e **milagernan** di **Yeshua; Kristu; Esun Ungi; Mesias**, kon **E lo kura hende**. **Israel** tabatin hopi **leproso** tempu ku **Kristu; Esun Ungi; Mesias**, tabata na mundu i **Religion Hudaísmo** tabata su ku e **úniko persona** ku por kura **lepra** lo tabata e **Mesias**. Tòg nan no tabata kièr a kere ku **Yeshua** tabata e **Mesias**, ni maske despues ku **Kristu** a kura 10 **leproso** pareu (**Lukas 17:12-14**). **Religion Hudaísmo** tabata kere den **resurekshon** pero **no despues di 3 dia**. **Yeshua; Kristu; Esun Ungi; Mesias**, a lanta **Lázaro** despues di 4 dia for di morto (**Juan 11:38-44**). Den **Religion Hudaísmo** nunca un hende ku a nase siegu su wowo por habri, pero **Yeshua; Kristu; Esun Ungi; Mesias**, a habri su wowo i duna e su bista (**Juan 9:32-34**).

Religion por tabata den kaminda òf un **estorbo**, i asina hopi ku no tabata kièr a **Kere** i **Obedesé** no a haña loke nan tabata warda hopi tempu riba dje, pasobra nan a sigui nan **Religion**. Ta pa esei **Yeshua; Kristu; Esun Ungi; Mesias**, a bisa **Kere** i lo bo mira e **Gloria di Dios**. Teme **Dios** i hasi **Su Boluntat**, esaki kièr-men **Obedesé**. Tur kos ta posibel pa esun ku ta **Kere** i **Obedesé**, nada ta imposibel pa **Dios Tata**, solamente nos mester **Kere** i **Obedesé**. **Religion** a pone ku nan no a **Kere** i **Obedesé** (**Salmo 118:22**), pero **Dios Tata** ta **fiel** i no a lubidá **Su Pretu Wowo; Israel**. Den **Deuteronomio 32:21** & **Isaías 49:6** & **Romanonan 11:1-2,11-12** tin menshoná ku **Dios Tata** ta **fiel** i no ta lubidá **Su Pretu Wowo; Israel**.

Yeshua; Kristu; Esun Ungi; Mesias, a bini pa **siña, eduká, yuda nos komprendé** e **Lei (Torah) = Enseñansa** di **Dios Tata** (**Mateo 5:17-20**). Tur kos nos por dor di **Dje**. Ta pa esei **henter Skritura** ta **inspirá** i **duna** dor di **Su inspirashon** i ta **útil** pa **enseñansa, instrukshon, korekshon, konvikshon, disiplina** pa **train** nos mes den **obediensia** i **rektitut** pa biba **santu** den **uniformidat** ku **Dios Tata Su pensamentu, propósito** i **akshon**. Asina nos por ta **bon ekipá, perfekto** pa hasi e **bon trabou** (**2 Timoteo 3:16-17**).

Yeshua; Kristu; Esun Ungi; Mesias, ta e **Palabra** ku a **birá hende** i **bin biba** mei mei di **nos** i **nos** a mira **Su Gloria, Su Grasia** i **Su Berdat**. Awèl awor e **Palabra; Santu Skritura; Beibel** ta konsistí di **ún buki**. Nos por parti e **Beibel** den **Tèstamènt Bieu** =(**Lei, Profetanan & Eskritura** = **Tanach**) i **Tèstamènt Nobo** òf na un otro manera, pero na final ta **ún buki** tin pa tur ku ta **Kere** i **Obedesé Esun Ungi** ku **Dios Tata** a manda pa nos **bienestar**.

Un manera bunita ku mi a tende último tokante **Beibel**, ta ku e ta konsistí di **4 parti**. **Lei(1)** ku **Profetanan(2)** & **Evangelio(3)** ku **Disipelnan(4)**. Asina aki **no tin** nada **bieu** òf **nobo**, pasobra ta **tur 4 parti nos mester**.

Dios Tata ta bisa den **Su Palabra (Deuteronomio 7:9)** i **Su Palabra** ta **igual** na **Yeshua; Kristu; Esun Ungi; Mesias**: Pa esei **sabí** awor **sin niun duda** i **komprenché** ku **SEÑOR bo Dios, E ta Dios, E Dios fiel, E Dios leal**, kende ta warda **Su aliansa** i **Su mizerikòrdia** pa ku esnan ku ta **stima E** i ta **Obedesé Su mandamentunan** te na e di **mil generashon**.

26 Augustus 2016
Sea Bendishoná den e Amor di Yeshua Mesias
Rev. Remsly L Riley